

II - ARABAKO LURRALDE HISTORIKOAREN TOKI ADMINISTRAZIOA

BERANTEVILLAKO UDALA

Berantevillako udalerriko elkarte, kirol klub eta administrazio-batzarrentzako dirulaguntzak, kultura eta kirola sustatzeko ekintzak egiteagatik. 2025eko deialdia

BDNS (Identif.): 867544.

Bat etorri Dirulaguntzei buruzko azaroaren 17ko 38/2003 Lege Orokorrak 17.3.b eta 20.8.a artikuluetan jasotakoarekin, deialdiaren laburpena argitaratzen da. Deialdiaren testu osoa Dirulaguntzen Datu Base Nazonalean dago ikusgai: <https://www.infosubvenciones.es/bdnstrans/GE/es/convocatoria/867544>.

Lehena. Onuradunak

1. Dirulaguntza hauen onuradun izan daitezke:

A) Irabazteko xederik gabeko elkarteak, Euskadiko Elkarteei buruzko ekainaren 22ko 7/2007 Legearen arabera legez eratuak eta Euskal Autonomia Erkidegoko Elkarten Erregistro Orokorrean inskribatuak, helbidea eta sozietatearen egoitza Berantevillako udalerrian badute.

B) Legez eratutako eta Euskal Autonomia Erkidegoko Kirol Erakundearen Erregistroan erregistratutako kirol klubak, baldin eta haien helbidea eta sozietatearen egoitza Berantevillako udalerrian badago.

C) Berantevillako udalerria osatzen duten kontzejuak.

2. Erakunde onuradun guztien jarduera eremuak Berantevillako udalerria izan beharko du.

3. Dirulaguntzen deialdi publikoan parte hartzeko, erakunde eskatzaileek egunean izan beharko dituzte zerga betebeharrak, Gizarte Segurantzarekikoak eta Berantevillako Udalarekikoak. Baldintza hori eskaera aurkeztu den unean bete beharko da, eta betetzen jarraitu beharko du izapidetze prozedura osoan (dirulaguntza ematea, betebeharra aitortzea eta ordaintzea).

4. Ezin izango dira dirulaguntzen onuradun izan beren antolaketan eta jardueren programazioan emakumeen edo gizonen presentzia eta/edo berdintasunez parte hartzea eragozten duten erakundeak.

5. Ezingo dira onuradun izan Dirulaguntzen azaroaren 17ko 38/2003 Lege Orokorrak 13.2 eta 13.3 artikuluetan jasotako inguruabarretakoren batean daudenak.

Bigarrena. Xedea

1. Dirulaguntzaren helburua da Berantevillako udalerrian kultura eta kirola sustatzea, zehazki, honako arlo hauetan eragiten dutenak:

Udalerrian gizarte ongizatea sustatzea.

Euskararen erabilera sustatzea.

Herritarren baterako parte hartzea sustatzea.

Kirola sustatzea.

Emakumeen eta gizonen aukera berdintasuna sustatzea.

Udalerriko herri tradizioen berreskurapena sustatzea.

Ingurumena babestea sustatzea.

Kultura sustatzea.

2. Honako jarduera hauek jaso dezakete dirulaguntza:

Instalazioak alokatzea.

Jardueraren berariazko aseguru.

Txangoak egiteko garraioa.

Kirol- eta/edo kultura-ekitaldietarako eta museoetarako sarrerak.

Musika eta antzerki emanaldiak eta erakustaldiak.

Begiraleak, gida espezializatuak eta arbitroak.

Kirol lehiaketetan eta federazio kuotetan izena ematea.

Material inbentariagarria erostea eta konpontzea.

Botikin medikorako materiala erostea.

Garaikurrak erostea.

Kirol material inbentariaezina.

3. Ez dute dirulaguntzarik jasoko hauek:

Herriko jaietako egitarauaren barruan edo udalak eta entitate eskatzaileak sinatutako hitzarmenen ondorioz diruz lagundutako jarduerak.

Otordu gastuak.

Elkartearen barne funtzionamenduaren eta kudeaketaren gastu materialak, eta elkartearen jardueren zabalkundea egiteko publizitatearenak.

Entrenamendu lekuetara edo jarduera egin ohi den lekuetara joan-etorriak egiteko gastuak.

4. Deialdi honetan, 2025eko urtarrilaren 1etik urriaren 31ra bitartean egindako gastuak lagundu ahal izango dira diruz.

Deialdi honetako laguntzak emateko, printzipio hauei jarraituko zaie: publizitatea, gardentasuna, norgehiagoka, objektibotasuna, berdintasuna eta bereizkeriarik eza; bai eta beste hauei: eragin-kortasuna zehaztutako helburuak betetzean eta efizientzia baliabide publikoen esleipenean eta erabileran.

Hirugarrena. Oinarri arautzaileak

Dirulaguntza hauek emateko oinarri arautzaileak Berantevilla udalerriko elkarteei, kirol klubei eta administrazio batzarrei kultura eta kirola sustatzeko ekintzak egiteko dirulaguntzak emateko oinarriak arautzen dituen ordenantzan daude jasota (2025eko urriaren 15eko ALHAO, 117. zk.).

Laugarrena. Laguntzaren zenbatekoa

Dirulaguntza aurrekontu kreditu eta gehieneko zenbateko hauei egotziko zaie: Aurrekontu-aplikazioa.

Aplicación presupuestaria	Onetsitako zenbatekoa
341.434.000 – Administrazio batzarrak – kultura	1.000,00 euro
341.481.000 – Kirol elkarteak	3.000,00 euro

Bosgarrena. Eskabideak aurkezteko epea

Deialdi honetako eskaerak 2025eko urriaren 16tik azaroaren 30era bitartean aurkeztu ahal izango dira.

Seigarrena. Eskaerak

Berantevillako Udalaren egoitza elektronikoaren bidez aurkeztu beharko dira eskaerak, l. eranskinean adierazitako ereduaren arabera.

I. eranskinaz gain, honako dokumentazio hau aurkeztu beharko da:

Estatutuen fotokopia eta legez eratu izana eta, hala badagokio, dagokion erregistroan inskribatu izana egiaztatzen duen dokumentazioa, lehen aldiz eskatzen dutenentzat edo aurreko ekitaldian estatutuak aldatu dituztenentzat.

Gastua justifikatzea: ezinbestekoa izango da dokumentazio hau aurkeztea: honako datu hauek jasotzen dituen faktura:

- Jaulkitzailea: izena edo sozietatearen izena eta NANA edo IFZ, eta helbidea.
- Hartzailea: sozietatearen izena, IFK eta helbidea. Nolanahi ere, onuradunak izan beharko du.
- Gastuaren xede zehatza.
- Faktura zenbakia eta data.
- Zerga aplikagarriak (BEZa/PFEZa).
- Onuradunaren kontu zenbakitik egindako ordainketaren banku egiaztagiria.

Ez da onartuko administrazio batzarrek eskudirutan egindako ordainketarik.

Elkarteek eta klubek eskudirutan egindako 500,00 eurotik beherako ordainketak baino ez dira onartuko diruz lagundu daitekeen gastu bakoitzeko.

Lehenengo urtean, eskatutako dirulaguntza ordaintzeko eskatzen den banku kontuaren titulartasun ziurtagiria aurkeztu beharko da. Nolanahi ere, erakunde onuradunak kontuaren titularra izan beharko du.

Eskabideak ez baditu betetzen deialdiaren arauan ezarritako betebeharrak, organo eskudunak erakunde interesatuari eskatuko dio zuzendu dezala akatsa, eta gehienez ere 10 egun naturaleko epe luzaezina emango dio horretarako, eta adieraziko dio ezen, hala egiten ez badu, eskaeran atzera egin duela joko dela, aldez aurretik ebazpena hartuta, zeina Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan ezarritako baldintzak betez hartu beharko baita.

Berantevilla, 2025eko azaroaren 7a

Alkatea

ISABEL ARBAIZAGOITIA PERAL